

Divendres,
5 de junh de 2020



APROVADA ERA RENDA MINIMA




Deth temps qu'auem estat confinats, i a persones que non an pogut trabalhar e non an guanyat pro sòs. Tà evitar qu'aquesta gent sigue sense aliments o sense casa, eth Govèrn a aprovat que i age ua renda minima. Açò vò díder que pagarà sòs as persones e famílies que non ne reciben o que'n reciben ben pòqui.

Aquesti sòs se pòden començar a demanar en junh e se començaràn a repartir a darrèrs de mes. Abans de començar a pagar era renda minima, se verificarà qu'era persona o família non age pro sòs entàs despenes basiques.

Eth Govèrn a dit que vò qu'aquesta renda arribe a totes es persones que l'agen de besonh. Per aquerò, es ajuntaments e es associacions que luten contra era praubesa tanben informaràn sus com demanar-la.



Perqué i a fòrça gent qu'a passat a guanyar mens sòs? | Perqué eth Govèrn a decidit pagar ua renda minima? | Quines son entà tu es causes basiques entà víuer e quines non son tan de besonh?



▲ Era ministra d'Isenda María Jesús Montero explique era renda minima

renda: sòs que quanhe o recep ua persona entà víuer.

despena: sòs que se gasten.

basic: mès important, essenciau.



NISSAN SE'N VA DE CATALONHA

Non i vò fabricar mès coches a compdar de deseme



Nissan ei ua companhia de coches japonesa. Hè ans qu'a tres fabriques en Catalonha, que dan trabalh a mès de tres mil treballadors. Ath delà, tanben i a d'aites empreses catalanes que trabalhen entà Nissan. Per exemple, bères ues hèn es sètis des coches.

Ara Nissan a comunicat que barrarà es fabriques qu'a en Catalonha. De hèt, ja se suspectaue qu'açò podie acabar passant, pr'amor que cada còp i hègen mens coches: es nauí modèls les produsien en d'aites fabriques. Era intencion de Nissan ei mantier dubèrtes es fabriques de Catalonha sonque enquia deseme, entà acabar es encomanes pendentes.

Es treballadors de Nissan en Catalonha e des empreses que ne depenen an començat protèstes. Vòlen salvar eth trabalh e demanen qu'era politica s'i implique mès. Eth Govèrn catalan a rebrembat tanben totes es ajudes que Nissan a rebut entà mantier es plantes actives. De ua auta part, non tot son males notícies, ja que se pense que i poderie auer d'aites empreses interessades en installar-s'i, coma es que bastissen bateries entà coches electricis.



Perqué preocupe que Nissan volgue anar-se'n de Catalonha? | Qui se cre que poderie aucupar er espaci d'aguestes fabriques? | Com penses que se pòden implicar es politics entà solucionar aquestes situacions?



companhia: empresa.

comunicar: explicar, díder.

produsir: fabricar.

implicar-se: involucrar-se, comprometer-se.

planta: fabrica.



VOCABULARI

desencadenar: provocar.

disturbi: hèt d'alterar er orde public, per exemple damb crits, lançament d'objèctes, trincant causes...

injustificat: sense cap de motiu, sense justificacion.

afrontament: peleja, discussion.



CRIDA CONTRA ETH RACISME

Ua detencion brutau desencadene manifestacions e disturbis



Hè quauqui dies, en Minneapolis, Estats Units, un botiguèr acusèc a un òme nere d'auer pagat damb un bilhet faus. Maugrat qu'èr tranquil e non anaue armat, era policia lo detenguec agresivament en carrèr e acabèc morint. Diuèrses personas gravèren çò qu'auie passat.

Es darrèri ans s'an coneishut diuèrsi casi semblants ad aguest, que polícies blancs actuen damb racisme e violéncia injustificada contra personas neres. Per açò, fòrça ciutats d'Estats Units s'an aumplit de manifestacions en contra dera violéncia policiu e eth racisme. Maugrat que comencen de manèra pacifica, tanben n'i a agut qu'an acabat damb afrontaments damb era policia e soent s'i an produsit grèus damatges.

Fòrça politics, cantants, actors, esportistes e periodistes tanben s'an mostrat indignadi e tristi per aguest cas. Demanen justícia entàs victimas e que se trabalhe entà eliminar eth racisme dera societat.



Qué a passat en Minneapolis? | Qué critiquen es manifestacions qu'an auut lòc en Estats Units? | Entre es famosi que refusen aguest cas e entre es personas que van tàs manifestacions tanben i a gent blanca. Penses qu'ei au bona senhau? Perqué?



▲ Manifestants reclamen era fin dera brutalitat policiu. Fòto: Reuters



SEMAFÒRS ENA PLAJA

Salou installe un sistèma de sensors



desconfinament: hèt de gèsser deth confinament.

aforament: quantitat de personas que i pòt auer en un lòc.

sensor: aparelh que capte estimuls e envie era informacion tà un aute aparelh.

a disposicion de: ara man de quauquarrés tà hèr a servir

afluència: quantitat de gent que s'amasse en un lòc.

A compdar dera fasa 2 deth desconfinament, es ciutadans poderan anar tara plaia en tot mantier era distància e en tot respectar er aforament. Eth Ministèri de Sanitat a establìt ues recomanacions d'aforament, mès dèishe era gestion as ajuntaments, que son es que s'olen encuedar-se des plages.

En Salou, er Ajuntament a trobat un sistèma tà que cada ciutadan pogue saber en tot moment quin ei er aforament dera plaia tà on vò anar. Eth sistèma, dera empresa Abast, respècte era privacitat e era intimitat des banhistes, pr'amor que compde es personas e es objèctes, coma parasoleis, mejançant uns sensors installadi enes lumenèrs des plages.



▲ Semàfor e pantalles tà controlar era afluència enes plages de Salou. Foto: Roger Segura

Aguestes dades se passen tà ua plana web a disposicion des ciutadans tà que poguen saber s'er aforament ei baish (verd), se comence a èster elevat (iranjá) o s'ei massa naut (vermelh). Ath delà, tanben an previst installar semafòrs a pè de plaia entà indicar-ne era aucupacion. En cas de semafòr vermèlh, se preven sancions dera policia locau.



Qué passarà enes plages ena fasa 2? | Com a solucionat er Ajuntament de Salou eth contròl d'aforament? | Cres qu'aguest estiu anaram tara plaia mès, mens o atau coma d'auti estius? Perqué?



RESCAT D'UA BALENA EN DELTA DER EBRE



En delta der Ebre, vederen ua balena que semblaue encalhada[■] e que non se podie mòir. Aver-tiren as Agents Ruraus, que, amassa damb quauqui membres dera equipa deth Centre de Recuperacion d'Animaus Marins, anèren enquiath lòc a on i auie era balena.

Es agents trobèren ua balena damb bèc de Cuvier parada en sable. Eth cetaci[■] auie eth còs miei dehòra dera aigua e un costat encalhat en sable. Era balena, d'uns quate mètres de long (quate còps era tua nautada), ère d'ua espècia vulnerabla[■], ei a dèder, que s'a de protegir. Entre toti, artenheren a trèir-la deth sable, mès dempús tornèc a quedar encalhada en un aute lòc dera baia.

Finaument, la liberèren e trobèren un canau[■] dubèrt per un temporau, des deth delta (a on i a pòca pregondor[■]) tara mar. L'acompanhèren e partit tranquilla entà hèr eth sòn camin.



Qué passèc damb ua balena? | Qui la rescatèc? | Qué hès o haries tu quan te trobèsses ua bèstia malaut a damb problèms? Perqué?



▲ Rescat dera balena. Fòto: Agents Ruraus

encalhat: atrapat, que non se pòt mòir.

cetaci: animau dera familha des balenes, es dofins e es marsopes.

vulnerabla: que pòt èster facilament herit o perjudicat.

canau: pas.

pregondor: honnor.



SUSPRESA ERA PATUM DE BERGA

Sonque s'i haràn quauques activitats sense aglomeracions[■]



Era ciutat de Berga celèbre cada an era Patum, ua grana hèsta damb mès de 600 ans d'istòria e que toti es berguedans viuen damb fòrça emocion e alegria. Pera sua antiquitat e importància, a estat declarada Patrimòni dera Umanitat pera UNESCO[■], ua distincion[■] que reconeish era grana valor culturau.



▲ Saut de lusiment des Nans Nous
Fòto: Sherpa

Maugrat que non se pogue celebrar coma tostemp, s'a anonciat que se prepausaràn activitats tà que non i age aglomeracions, coma ua interpretacion musicau dera hèsta des deth castèth de Berga o ua exposicion damb imatgeria[■] e fotografies dera Patum. Era Patum s'auie suspenut sonque en situacions excepcionaus, coma enes ans 1937 e 1938, pera Guèrra Civiù espanhòla.



Perqué s'a suspenut enguan era Patum de Berga? | Quin tipe d'activitats se prepausaràn entad aqueri dies? | Penses qu'es hèstes populars favorissen qu'es vesins siguen mès amassa? Perqué?

aglomeracion: acumulacion de moltes persones.

UNESCO: Organizacion des Nacions Unides tara Educacion, Sciéncia e era Cultura.

distincion: reconeishement o prèmi.

plens: tipe de diable dera Patum. Pòrten masca e van cubèrts damb ua èrba. An ues còrnes metalliques a on pòrten "fuets" (fusades) qu'escopissen huec.


imatgeria: conjunt de gegants, capgròssi, dracs e d'autes figures que participan enes hèstes populars.



JUGUEM!

Laberint

Troba el camí que ha de fer el pirata per tornar al vaixell amb el tresor.



Per pintar



A comptar!

Compta quants elements de la llista següent hi ha en aquest dibuix:

Cotxes circulant: Vehicles aparcats:

Camions: Furgonetes:

Plantes: Autocars:

Edificis:



Encercla els noms d'oficis

hospital, dependenta, carter, electricista, mànega, fuster, servir, uniforme, guàrdia municipal, pescar, eina, infermera, cantar, apagar, mecànic, mestra, repartir, metgessa, fabricar, pagès.



el tricicle

Aprenentatge significatiu i vivencial

el tricicle

Una publicació de:

Tracte Comunicació Global
Passeig Bertrand, 25, 2a
08980 Sant Feliu de Llobregat (BCN)
Tel. 619 787 788 - 93 782 45 13
eltricicle.cat
eltricicle@eltricicle.cat

el tricycle


Setmanari per a nens i nenes



SOLUCIONS N. 170

Laberint

Troba el camí que ha de fer el pirata per tornar al vaixell amb el tresor.



Per pintar



Una publicació de:

Tracte Comunicació Global
Passeig Bertrand, 25, 2a
08980 Sant Feliu de Llobregat (BCN)
Tel. 619 787 788 - 93 782 45 13
eltricycle.cat
eltricycle@eltricycle.cat

A comptar!

Compta quants elements de la llista següent hi ha en aquest dibuix:

Cotxes circulant: 12 Vehicles aparcats: 10
 Camions: 1 Furgonetes: 9
 Plantes: 42 Autocars: 1
 Edificis: 12



Encercla els noms d'oficis

hospital, dependent, carter, electricista, màne-
ga, fuster, servir, uniforme, guàrdia municipal,
pescar, eina, infermera, cantar, apagar, mecànic,
mestra, repartir, metgessa, fabricar, pagès.

Bon estiu
i fins al
curs vinent!

